

# Piua!

## Ngā Whakamārama:

Mā tō pouako e hoatu tētahi taonga ki a koe, e pēnei ana te āhua:



Ko tāu mahi, he whakahaere i tētahi whakamātau tūponotanga. Ka piua te taonga, ā, ka tuhia te āhua o te takoto o te taonga ki te papa.

## Hei Mahi:

1. Mēnā ka piua te taonga, he aha ngā takotoranga whakamutunga rerekē e taea ana? Tuhia he pikitia o aua takotoranga, ka tapa ai ki ngā pūriki 'a', 'e', ...
2. Ki tō whakaaro, e hia ngā putanga o ia takotoranga rerekē, mēnā e 20 ngā piunga? Tuhia ōu whakaaro ki tētahi tūtohi.
3. Whakamātauria ētahi piunga 20. Tuhia ngā putanga ki te tūtohi o te Pātai 2.
4. Mēnā e 200 ngā piunga, e hia pea ngā putanga o ia takotoranga rerekē? Whakamāramatia he aha i pērā ai ōu whakaaro.
5. I runga i te whakamātau kua oti nei i a koe (Pātai 3), tuhia te tūponotanga o ia takotoranga rerekē.
6. Ka oti i tētahi atu tangata te 1,000 piunga o te taonga, ā, koia nei ngā hua ka puta mō ia takotoranga:

Te takotoranga	a	e	i
Te maha	300	400	300

Whakatairitea te whakamātau a tēnei tangata me ngā hua o te whakamātau i oti i a koe (Pātai 3). Ki tōu whakaaro, he pono ngā putanga o te whakamātau a tēnei tangata? He aha i pēnā ai ōu whakaaro?